

故號都可村、以後石川王爲總領之時、改爲廣山里、

麻打里、昔但馬國人、伊都志君麻良比家居此山、二女夜打麻、卽置於己胸死、故號麻打山、于今居此邊

者、至夜不打麻矣、略中

枚方里、土中上所以名枚方者、河內國茨田郡枚方里漢人來到、始居此村、故曰枚方里、略中

大家里、舊名大宮里土中上品太天皇應巡行之時、營宮此村、故曰大宮、後至田中大夫爲宰之時、改大宅

里、略中

大田里、土中上所以稱大田者、昔吳勝從韓國度來、始到於紀伊國名草郡大田村、其後分來、移到於攝

津國三島賀美郡大田村、其又遷來於揖保郡大田村、是本紀伊國大田、以爲名也、略中

石海里、土中上右所以稱石海者、難波長柄豐崎天皇德孝之世、是里中有百便之野、生百枝稻、卽阿曇

連百足、仍取其稻獻之、爾時天皇勅曰、宜墾此野作田、乃遣阿曇連太牟、召石海人夫、令墾之、故野名曰

百便、村號石海也、略中

浦上里、土中上右所以號浦上者、昔阿曇連百足等、先居難波浦上、後遷來於此浦上、故因本居爲名、略中

萩原里、土中右所以名萩原者、息長帶日賣命神功韓國還上之時、御船宿於此村、一夜之間生萩、根

高一丈許、仍名萩原、略中

少宅里、本名漢部里土下中、所以號漢部者、漢人居之此村、故以爲名、所以後改曰少宅者、川原若狹祖父娶

少宅秦公之女、卽號其家少宅、後若狹之孫智麻呂任爲里長、由此庚寅年爲少宅里、略中

揖保里、土中所以稱粒者、此里依於粒山、故因山爲名、略中

出水里、土中此村出寒泉、故因泉爲名、略中

桑原里、舊名倉見里土中上品太天皇御立於觀折山覽之時、森然所見倉、故名倉見村、今改名爲桑原、一云、